

+ / Drawings

la .varik. .VALefor.

September 4, 2022

# Contents

<b>1</b>	<b>le terfi'i</b>	<b>4</b>
<b>2</b>	<b>le plijaspu</b>	<b>5</b>
<b>3</b>	<b>la'o gy. 20200414042645-03 .gy.</b>	<b>6</b>
3.1	le pamoi ve skicu be le pixra . . . . .	6
3.2	le me'oi .watermark. . . . .	6
3.3	le cfila be la'o gy. 20200414042645-03 .gy. . . . .	6
<b>4</b>	<b>la'o gy. Proactive Security .gy.</b>	<b>10</b>
4.1	le pamoi velski be le pixra . . . . .	11
<b>5</b>	<b>la'oi .WESTERNUNIONSOFTHECOUNTRYWESTERNS.</b>	<b>12</b>
5.1	le pamoi velski be le pixra . . . . .	12
5.1.1	lo snada li ci fi'u vo zo'e . . . . .	12
5.1.2	le me'oi .watermark. je le pilno jaspu . . . . .	12
5.1.3	le pilno . . . . .	12
5.1.4	le sinxa . . . . .	13
5.1.5	le versiio bo jitro pilno . . . . .	13
5.1.6	le nu nitpiki . . . . .	13
5.1.7	le pilno . . . . .	13
5.2	le cfila be le pixra . . . . .	13
5.2.1	le xlali betfu bo sluji . . . . .	14
5.3	le ka claxu le tcilabe lei sirsunla . . . . .	14
5.4	le sutra pirlarfi'i . . . . .	14
5.4.1	le mabla skicu . . . . .	14
5.5	le tsautu . . . . .	14
5.5.1	le pamoi tsautu . . . . .	14
5.5.2	le remoi tsautu . . . . .	14
<b>6</b>	<b>la'oi .HOLLYWOODFREAKSONTHEHOLLYWOODSCENE.</b>	<b>18</b>
6.1	le pamoi velski be le pixra . . . . .	19
6.1.1	le bebna ba'e tordu lisri . . . . .	19
6.1.2	la'oi .Blah. . . . .	19

6.1.3	le daski se vasru . . . . .	19
6.1.4	lo cfilyfacki . . . . .	19
6.1.5	le pilno . . . . .	19
6.2	le cfila be le pixra . . . . .	20
6.2.1	le taxfu poi claxu le ci cimde pe'a . . . . .	20
6.2.2	le ctino po le cukmirvelvei . . . . .	20
<b>7</b>	<b>la'oi .BROKEDOWNOUTINADITCHOFOLDRUBBISH.</b>	<b>21</b>
7.1	le pamoi velski be le pixra . . . . .	21
7.1.1	le jetnu pe'a trixe pixra...e lo xamsku . . . . .	22
7.1.2	le tanxe . . . . .	22
7.1.3	lo se vasru pe'a xamsku . . . . .	22
7.1.4	zo'oi. ZZZ. . . . .	22
7.1.5	lo nu nitpiki . . . . .	22
7.1.6	le se cuxna xarci pe'a . . . . .	22
<b>8</b>	<b>la'oi .DANCINGONTHEROOFSHOOTINGHOLESINTHEMOON.</b>	<b>23</b>
8.1	le pamoi velski be le pixra . . . . .	24
8.1.1	le vlavelski . . . . .	24
8.1.2	le torveki . . . . .	24
8.1.3	le se xamsku je zo'e . . . . .	24
8.1.4	zo'oi .SOUP. . . . .	24
8.1.5	le kadje tcita . . . . .	24
8.1.6	le batkyfoi . . . . .	24
8.1.7	le nu nitpiki . . . . .	25
8.1.8	le plijaspu . . . . .	25
8.1.9	le pilno . . . . .	25
8.2	le cfila be le pixra . . . . .	25
8.2.1	le stizu . . . . .	25
<b>9</b>	<b>la'oi .ITHINKWEREGOINGCRAZY.</b>	<b>26</b>
9.1	le pamoi skicu be le pixra . . . . .	27
9.1.1	lu mi viska ma li'u . . . . .	27
9.1.2	le tcika . . . . .	27
9.1.3	le citri . . . . .	27
9.1.4	le nu le le pixra cu te gumgau . . . . .	28
9.1.5	lo nu nitpiki . . . . .	28
9.1.6	le plijaspu . . . . .	28
9.1.7	le pilno . . . . .	28
9.2	le kanla se cortu . . . . .	28
9.3	le se frati . . . . .	28
9.3.1	le velski be le se frati . . . . .	28
9.3.2	le cumki rinka be le nu na selnei . . . . .	29
<b>10</b>	<b>la'oi .JUDASTRAINWRECK.</b>	<b>30</b>
10.1	le pamoi velski be le pixra . . . . .	31

10.1.1	le torveki . . . . .	31
10.1.2	le pruce poi gasnu le nu le tsautu ku binxo le mulno pixra	31
10.1.3	le tcidu tanxe pe'a . . . . .	31
10.1.4	le plijaspu . . . . .	31
10.1.5	le pilno . . . . .	31
10.2	le selji'i be fi la'oi .JUDASTRAINWRECK. . . . .	32
10.2.1	su'o lo selji'i be fi la'o gy. JUDASTRAINWRECK .gy. . .	32
10.3	le ctino . . . . .	32
10.4	le xance . . . . .	32
10.5	le da'a versiio be le pixra . . . . .	32
10.5.1	la'o gy. JUDASTRAINWRECK-NOHANDLEBARS .gy. .	32
<b>11</b>	<b>la'oi .THROWTHOSEPICTURESDOWNTHELANE.</b>	<b>34</b>
11.1	le pixra . . . . .	34
11.2	le pamoi velski . . . . .	34
11.2.1	le torveki . . . . .	34
11.2.2	le fanmo be le nu zasysti . . . . .	34
11.2.3	le velski be le pixra . . . . .	35
11.2.4	le mukti . . . . .	35
11.2.5	le srasu . . . . .	36
11.2.6	la'o gy. public domain .gy. . . . .	36
11.2.7	lo nu nitpiki . . . . .	36
11.2.8	le pilno . . . . .	36
11.3	le nu cfifa'i poi se zbasu la .varik. . . . .	37
11.3.1	le ka le srasu poi se pixra cu smimlu loi sirsunla . . . . .	37
11.3.2	le du'u ko'a pixra le nu le kanla be la'oi .VUNC. cu claxu lo tcila . . . . .	37
11.4	le nu cfifa'i poi na se zbasu la .varik. . . . .	37
11.4.1	lu le birka be la'oi .VUNC. cu dukse le ka clanli li'u . . . .	38
11.4.2	lu le loldi cu dukse le ka xekri li'u . . . . .	38
11.4.3	lu le srasu poi darno le kacma pe'a cu dukse le ka se gusni li'u . . . . .	38
11.4.4	lu le tuple be la'oi .VUNC. cu dukse le ka tordu li'u . . . .	38
11.4.5	lu le dizlo zunle kinli be le nercreka pe'a po la'oi .VUNC. cu dukse le ka galtu li'u . . . . .	38
11.4.6	lu le zunle tuple be la'oi .VUNC. cu dukse le ka se viska li'u	38
11.4.7	lu le selxra xarpre cu smimlu lo sampre li'u . . . . .	39

# **Chapter 1**

## **le terfi'i**

ni'o la'o gy. +/ Drawings .gy. cu vasru ko'a goi lo su'o lampru pixra poi se zbasu la .varik. .VALEfor. ku'o ge'u je lo datni be ko'a

.i pilno zo su'o ki'u le nu su'o da poi se zbasu la .varik. .VALEfor. zo'u selcaugau da la'o gy. +/ Drawings .gy. .i mupli fa le nu selcaugau lo glefi'a pixra poi se zbasu la .varik. ku'o la'o gy. +/ Drawings .gy.

## Chapter 2

### le plijaspu

ni'o so'i da poi pixra je cu se zbasu la .varik. je cu se vasru la'o gy. +/ Drawings .gy. zo'u le velski be da cu xusra le du'u la'o gy. CC BY-NC 4.0 .gy. cu plijaspu da .i ku'i ro da poi pixra je cu se zbasu la .varik. je cu se vasru la'o gy. +/ Drawings .gy. zo'u la .varik. pu rinka le nu la'oi .Unlicense. cu plijaspu da .ija'e ro da poi pixra je cu se zbasu la .varik. je cu se vasru la'o gy. +/ Drawings .gy. zo'u la'oi .Unlicense. cu plijaspu da

# **Chapter 3**

**la'o gy. 20200414042645-03  
.gy.**

## **3.1 le pamoi ve skicu be le pixra**

ni'o pu zbasu le pixra ki'u le nu djica le nu jdice le du'u frili fa le nu pilno lo skami smacu le nu pixra kei kei je le nu la'oi .GIMP. xlali samru'e .i jimpe fa le du'u la'oi .GIMP. xlali samru'e kei je le du'u tcecumki fa le nu pilno lo skami smacu le nu pixra

ni'o nelci lo diksiseli

## **3.2 le me'oi .watermark.**

ni'o la .varik. jinvi le du'u le me'oi .watermark. po le pixra cu dukse... .i di'u tcej'e'u ca le nu la .varik. pensi le du'u la .varik. pu fairgau lo favytcinymupli be fi le pixra poi claxu le me'oi .watermark.

## **3.3 le cfila be la'o gy. 20200414042645-03 .gy.**

ni'o cfila ko'a goi la'o gy. 20200414042645-03 .gy. goi ko'a fa...

- le ka le cnebo be la'oi .VUNC. ku poi se pixra ko'a cu claxu
  - lo su'o ctino be le stedu be la'oi .VUNC. ku ku je
  - lo su'o sirsunla tengu kei je
- le ka le galraipau be le se viska pagbu be le zunle kanla be la'oi .VUNC.  
ku ku ku poi se pixra ko'a cu claxu lo ctino kei

vu'o po'o nai



Figure 3.1: le ciplanli pixra noi claxu lo xamgu cmene



Figure 3.2: ni'o gubyternoi lo favytcinymupli be le pixra...be'o poi claxu lei  
kerfa tengu .i rigni

## Chapter 4

# la'o gy. Proactive Security .gy.



Figure 4.1: ni'o le nu mi'a pilno la'oi .OpenBSD. cu zva'ati .i doi fazgau do'u ko na troci

## **4.1 le pamoi velski be le pixra**

ni'o kibdu'a la'o gy. Proactive Security .gy. ki'u le nu filsela'e fa le nu claxu lo pixra be la .pyfis.

ni'o la .pyfis. claxu lo kalmebykre ki'u le nu la .su'oda. cu mo'ifli le nu pixra lo kalmebykre

ni'o la'o gy. AA-12 .gy. .u'enderfu xacyce'a

# Chapter 5

## la'oi .WESTERNUNION-SOFTHECOUNTRY-WESTERNS.

### 5.1 le pamoi velski be le pixra

#### 5.1.1 lo snada li ci fi'u vo zo'e

ni'o la .varik. troci le nu terxra lo li ci fi'u vo xarpre be la .varik. kei je cu denpa fo le nu terxra kei pu le nu la .varik. terxra lo li ci fi'u vo xarpre be la .varik.

#### 5.1.2 le me'oi .watermark. je le pilno jaspu

ni'o ji'a le pixra cu na vasru lo me'oi .watermark. poi mutce le ka fanza .i ku'i le pixra cu na se vasru la'o gy. public domain .gy. .i la .varik. ralte le krali po le pixra .i ku'i cumki fa le nu le ni di'u jetnu cu selbi'o .i le temci cu flecu pe'a ca le nu zenba fa le ni la .varik. nelci le nu la'o gy. public domain .gy. vasru lo pixra be fi la .varik.

#### 5.1.3 le pilno

ni'o pilno la'oi .Krita. noi mutce le ka se to'e nelci la .varik.

ni'o zbasu le pixra ca le nu la'oi .Krita. goi ko'a ge'u naru'e narpli masno .i mupli fa le du'u le nu ko'a gasnu le nu lo senta pe'a cu selvisnalka'e cu snidu li ji'i cino .i le nu masno cu pagbu rinka le nu la .varik. pilno la'oi .GIMP. le nu zbasu lo balvi pixra .i la .varik. ponse lo plijaspu be la'o gy. CLIP STUDIO PAINT EX .gy. je cu zmanei la'o gy. CLIP STUDIO PAINT EX .gy. la'oi .Krita.

so'i lo krinu .i ranji zenba fa li ni'e ni la .varik. nelci la'oi .WINE. po la'o gy. FreeBSD .gy

ni'o ze'i pilno la'oi .GIMP. pu le nu la .varik. facki le du'u la'oi .GIMP. claxu lo su'o jicmu poi se pilno la .varik. .i le zmiku klena senta tadji cu se mupli le ka se claxu la'o gy. GIMP .gy .i mukti le nu la .varik. pilno la'oi .Krita. le nu mulgau le pixra

#### **lo zoi gy. open-source .gy. sampla cu cumki xamgu**

ni'o le zoi gy. open-source .gy. sidbo cu se nelci la .varik...je cu cumki friti lo jetnu kalci pe'a .i lu lo prenu poi to'e nelci ku'o cumki cikre lo samru'e li'u xlali krinu ki'u le nu su'o da poi pilno lo samru'e zo'u da na samru'e ciska .i ji'a lo xlali sa'u samselpla cu zasti .ije la .varik. na jinvi le du'u le samselpla po fi la'oi .Krita. cu cizra xamgu

ni'o le nabmi cu se mlaуча ki'u le nu la .varik. djica le nu la .varik. nelci la'oi .Krita. je la'oi .GIMP. .i ku'i la .varik. nelci la'oi .Krita. je la'oi .GIMP. .inaja la'oi .Krita. je la'oi .GIMP. sisti le nu kalci pe'a

#### **5.1.4 le sinxa**

ni'o le nu sispe'i le se sinxa be le sinxa cu frili le tcidu

#### **5.1.5 le versiio bo jitro pilno**

ni'o cumki fa le nu kibdu'a le citri be le pixra ku la'o gy. GitHub .gy .i la .git. jitro le pixra je cu zbasu le mltce barda citri bo datnyveiste ki'u le nu la .varik. djica le nu la .varik. frili cple'ijdu le .indika be le du'u la .varik. pu zbasu le pixra

#### **5.1.6 le nu nitpiki**

ni'o mutce le ka nelci le nu xamgu nitpiki .i ku'i la .varik. djica le nu le nu nitpiki cu tilefu ki'u le nu la .varik. jinvi le du'u li ni'e ni lu le calta be le birka ku ku namapti le ctino be le birka li'u goi ko'a sidju cu dubmau li ni'e ni lu le birka cu xlali li'u goi ko'e sidju .i ku'i cumki fa le nu ko'a je ko'e sidju

#### **5.1.7 le pilno**

ni'o pilno la'o gy. ed(1) .gy. le nu ciska ti poi velski

### **5.2 le cfila be le pixra**

ni'o la .varik. facki le du'u la'oi .WESTERNUNIONSOFTHECOUNTRYWEST-ERNS. goi ko'a cu xlali pixra le betfu sluji be la'oi .VUNC. kei je le du'u ko'a claxu le cmlau sirsunla bo tcila

### **5.2.1 le xlali betfu bo sluji**

ni'o le calta be le betfu sluji be fi la'oi .VUNC. ku poi se pixra la'oi .WESTERNUNIONSOFTHECOUNTRYWESTERNS. cu xlali

.i le nabmi cu se rinka le tadji be le nu la .varik. pixra lo betfu sluji kei ku ku goi ko'a .i ko'a pruce fo le nu pixra lo nonkansa pe'a sluji

## **5.3 le ka claxu le tcilabe lei sirsunla**

ni'o lei sirsunla po la'oi .VUNC. ge'u po le pixra cu nacmatilcfu

ni'o zbasu la'oi .WESTERNUNIONSOFTHECOUNTRYWESTERNS. ca le nu la .varik. fliba le nu jmina lo cmalu sirsunla bo tcila .i le fliba cu rinka le nu le pixra cu se vasru le barda sirsunla tcila ku po'o

## **5.4 le sutra pirlarfi'i**

ni'o le lisri skina poi skicu le nu zbasu la'oi .WESTERNUNIONSOFTHECOUNTRYWESTERNS. cu kibzva la'o gy. <https://diode.zone/w/vR9yipHTfuaH3SKPiEXFLm.gy> je la'o gy. <https://vimeo.com/635651456.gy> .i ku'i ji'a cumki fa le nu lo mabla jifkri goi ko'a cu catlu le skina kei ki'u le nu le skina cu kibzva la'o gy. <https://www.youtube.com/watch?v=0wyF7okop64.gy>

### **5.4.1 le mabla skicu**

ni'o le skina pagbu be le sutra pirlarfi'i cu milxe mabla le demri'a

ni'o le xlali cu lakne se krinu le nu la .varik. pilno le la'oi .AVI. pruce poi claxu lo sumti ku'o po la'oi .FFMPEG. goi ko'a le nu rejgau le lisri skina .i ko'a pilno le mutce cirko bo rinka bo pruce po la'o gy. H.264 .gy

## **5.5 le tsautu**

### **5.5.1 le pamoi tsautu**

ni'o le pamoi versio be la'oi .WESTERNUNIONSOFTHECOUNTRYWESTERNS. cu milxe mabla pinsi bo tsautu

### **5.5.2 le remoi tsautu**

ni'o le remoi tsautu be la'oi .WESTERNUNIONSOFTHECOUNTRYWESTERNS. cu pamoi lo'i milxe xamgu pinsi bo tsautu .i ku'i ti poi tsautu cu .uaigri le vektori pixra poi kibzva la'o gy. <https://github.com/varikvalefor/drawingstuff/blob/master/50x/toolbox/toolboxsketch002.svg.gy>



Figure 5.1: le pixra je nai lo se tcidu



Figure 5.2: le pamoi versiio be la'oi  
.WESTERNUNIONSOFTHECOUNTRYWESTERNS.



Figure 5.3: le remoi tsautu be la'oi  
.WESTERNUNIONSOFTHECOUNTRYWESTERNS.

## Chapter 6

la'oi .HOLLYWOODF-  
REAKSONTHEHOLLY-  
WOODSCENE.



Figure 6.1: la'oi .HOLLYWOODFREAKSONTHEHOLLYWOODSCENE.

## 6.1 le pamoi velski be le pixra

### 6.1.1 le bebna ba'e tordu lisri

ni'o le ctemidju cu tcika le nu lo prenu goi ko'a cadzu lo klaji .ije ko'a jibni lo dikca fatri dinju .ije le prenu poi se viska lo tcidu ku'o goi ko'e klama ko'a lo cmatricu

.i ko'a simlu le ka selspaji .ije ko'e tcuskuue lu doi le verba .i xu do djica lo fingubni proga li'u

.i le tcidu cu kakne le nu jivbi'o le du'u fitytu'i ja cu na fitytu'i

### 6.1.2 la'oi .Blah.

ni'o gubgau le bebna se xamsku

ni'o le pixra cu bebna se xamsku je cu pamoi jetnu ju'anai bo troci be le nu la .varik. terxra lo bukpu

### 6.1.3 le daski se vasru

ni'o le cukmirvelvei poi se tcita zoi gy. 7.0 .gy. cu cukmirvelvei la'o gy. OpenBSD .gy .i le cukmirvelvei poi se tcita zoi gy. 13 .gy. cukmirvelvei la'o gy. FreeBSD .gy

#### le cuktermai

ni'o la .varik. djica le nu le pixra cu sitna le ziljmina proga kei ca'o le nu la .varik. zbasu fo'a .i da poi sidbo zo'u da na temsepcau mulno pe'a

#### le kosta daski

ni'o le tcidu cu sruma le du'u le daski cu vasru le papri poi krati pe'a lo te samrkompli po le sambau poi se pilno la .varik.

#### li ni'e ni co'e

ni'o la .varik. djica le nu le pixra cu sitna le ziljmina proga kei ca le nu la .varik. zbasu fo'a .i ku'i da poi sidbo zo'u da na temsepcau mulno pe'a

### 6.1.4 lo cfilyfacki

ni'o lo nu cfilyfacki cu roroi zanvi'e

### 6.1.5 le pilno

ni'o pilno la'oi .GIMP. le nu zbasu le pixra

ni'o pilno la'o gy. ed(1) .gy. le nu ciska dei

## 6.2 le cfila be le pixra

ni'o le su'o prenu poi na me la .varik. cu facki le du'u le taxfu poi se pixra la'oi .HOLLYWOODFREAKSONTHEHOLLYWOODSCENE. goi ko'a cu smimlu lo pelji

ni'o si'a la .varik. facki le du'u le cukmirvelvei poi se pixra ko'a cu smimlu lo pelji

### 6.2.1 le taxfu poi claxu le ci cimde pe'a

ni'o lo so'o prenu cu xusra le du'u le taxfu be la'oi .VUNC. ku'o poi se vasru la'oi .HOLLYWOODFREAKSONTHEHOLLYWOODSCENE. cu claxu le ci cimde pe'a je cu smimlu lo pelji ja zo'e

.i la .varik. tugni fi le he famsku

.i fu'au le nu dasni lo veljmina be lo pelji kista je lo pelji nercreka je lo pelji creka vu'o poi claxu lo trixe cu mutce le ka xajmi

### 6.2.2 le ctino po le cukmirvelvei

.i la .varik. jinvi le du'u le velvei cu tamsmi lo pelji je lo narcukmirvelvei .i cumki fa le nu le nabmi cu se rinka le ka le velvei cu tcenarkli

## Chapter 7

la'oi

.BROKEDOWNOUTINADITCHOFLDRUBBISH.



Figure 7.1: .i le pixra cu du le pixra .i xu kanpe lo kacmyxra be lo xajnuj .i doi bebnna ko na bebnna

### 7.1 le pamoi velski be le pixra

ni'o lo cnino pixra cu gubni

### **7.1.1 le jetnu pe'a trixe pixra...e lo xamsku**

ni'o le pixra je cu se cmene zo'oi .BROKEDOWNOUTINADITCHOFOLDRUBBISH. cu pamoi lo gubni pixra be fi la .varik. ku poi ckaji lo jetnu pe'a trixe pixra je no lo stodi zilska je no lo sucta .i ji'a zo'oi .BROKEDOWNOUTINADITCHOFOLDRUBBISH. vasru lo so'u xamsku

### **7.1.2 le tanxe**

ni'o le tcidu cumki sruma le du'u le tinsypleta'e poi vasru le xarpre poi zutse cu tsagau je cu na se marxa lo cmalu junta .i ji'a le tcidu cu cumki sruma le du'u le vorme pe'a po le tanxe cu se vasru le tanxe ja cu se vimcu

### **7.1.3 lo se vasru pe'a xamsku**

ni'o le pamoi versio be le pixra cu se vasru pe'a xamsku .i ciska le se vasru pe'a xamsku le tanxe .i ku'i la .varik. pu .uaigri jivbi'o le du'u le se vasru pe'a xamsku cu na mutce le ka xajmi kei kei je cu vimcu le se vasru pe'a xamsku

### **7.1.4 zo'oi. ZZZ.**

ni'o le nu zo'oi .ZZZ. se pixra cu .indika le du'u le xarpre cu sipsavgau .i le nu le xarpre cu sipsavgau kei .indika le du'u le xarpre sipna .i ku'i zo'oi .ZZZ. kampu sipsav bo krati ki'u ma

### **7.1.5 lo nu nitpiki**

ni'o lo nu nitpiki cu za'o se nelci

### **7.1.6 le se cuxna xarci pe'a**

ni'o pilno la'oi .GIMP. le nu zbasu le pixra .i pilno lo xance degji .ualdo le jetnu pe'a pixra bo gunka

ni'o pilno la'o gy. ed(1) .gy. le nu ciska dei

ni'o la'oi .GIMP. je la'o gy. ed(1) .gy. bajra pe'a la'o gy. OpenBSD .gy

## Chapter 8

la'oi .DANCIN-  
GONTHEROOFSHOOT-  
INGHOLESINTHEMOON.




Figure 8.1: ni'o le mulbi'o versiio be la'o gy.  
DANCINGONTHEROOFSHOOTINGHOLESONTHEMOON .gy ni'o le nu  
viska lo ro tcila cu frili zo'e le nu pilno lo banro blaci...a lo cmactatci

## **8.1 le pamoi velski be le pixra**

ni'o .ue'i lo ziljmina pixra cu gubni

ni'o le pixra cu pixra lo roldje tcini .i ku'i sorpa'a le nu le pixra cu na mutce  
le ka tolzdi

### **8.1.1 le vlavelski**

zo'oi .VUNC. krati le xarpre be la .varik.

### **8.1.2 le torveki**

ni'o le pixra cu pixra le nu la'oi .VUNC. jibni je cu galfi lo proga...je cu tcidu lo  
xlali kibzva bo notci kei

### **8.1.3 le se xamsku je zo'e**

ni'o le pixra cu simsa le da'a pixra be fi la .varik. li ni'e ni se vasru lo se xamsku  
.i le tcidu cumki ciksi le xamsku .i ku'i ji'a le pixra cu vasru le emalu jikske bo  
ckipinka .i ji'a le tcidu cu cumki skicu le emalu jikske bo ckipinka

### **8.1.4 zo'oi .SOUP.**

ni'o zo'oi .SOUP. poi simlu lo bebna cu zvati ki'u le nu la .varik. na djuno le  
du'u selfladra le nu le pixra cu zifre vasru le pamoi kacmyxra .i le nu na te  
nunflapai la .varik. cu frili la .varik. le nu le velski pe'a be le kacmyxra cu basti  
le pamoi kacmyxra

ni'o zo velski cu sidysmu ki'u le velski pe'a cu na mutce le ka skicu .i lo zenba  
velski velski be le pamoi kacmyxra cu du lo'u lo tcesedemri'a kacmyxra be lo  
kabri poi se vasru lo .alfabeta stasu le'u

### **8.1.5 le kadje tcita**

ni'o le se tcidu po le kadje tcita cu du zoi gy.

#### **WARNING**

Attempting to service this device may result in bodily harm. The  
device is safe, but our servicemen have pipe wrenches and want your  
money.

.gy

### **8.1.6 le batkyfoi**

ni'o le pixra cu pixra le nu la'oi .VUNC. pilno le batkyfoi .i ku'i le batkyfoi  
naseviska .i ku'i je se cumki le nu le du'u la'oi .VUNC. pilno le batkyfoi kei

zenba xamgu se .indika

### **8.1.7 le nu nitpiki**

ni'o lo nu nitpiki cu za'o se nelci

### **8.1.8 le plijaspu**

ni'o le pixra cu selxrapra je cu selplijaspu la'o gy. CC BY-NC 4.0 .gy .i le mulno tcidu po ti poi selplijaspu cu xabju pe'a la'o gy. <https://creativecommons.org/licenses/by-nc/4.0/legalcode> .gy

### **8.1.9 le pilno**

ni'o pilno la'oi .GIMP. le nu zbasu le pixra .i la'oi .GIMP. tcexla .i ku'i za'a la'oi .GIMP. traji le ka ce'u xamgu pixra bo fingubni bo proga

ni'o pilno la'o gy. ed(1) .gy. le nu zbasu dei

ni'o la'oi .GIMP. je la'o gy. ed(1) .gy. bajra pe'a la'o gy. OpenBSD .gy

## **8.2 le cfila be le pixra**

ni'o le stizu poi selzutse la'oi .VUNC. cu claxu lo tcila

### **8.2.1 le stizu**

ni'o le nu le stizu poi selzutse la'oi .VUNC. cu claxu lo tcila cu se rinka le nu le stizu tengu cu .ambigu'o .i le stizu se.enge cu selstaile .i la .varik. mutce le ka nelci lo dijyzbiske po la'o gy. Brutalism .gy .i ku'i krivi le du'u le stizu cu mabla

## Chapter 9

la'oi .ITHINKWEREGO-  
INGCRAZY.



Figure 9.1: la'o gy. ITHINKWEREGOINGCRAZY .gy.

## **9.1 le pamoi skicu be le pixra**

ni'o zoi gy. BLOCKED BY SHODAN LEVEL SECURITY .gy

### **9.1.1 lu mi viska ma li'u**

ni'o le pixra cu pixra le nu le xarpre be la .varik. smimlu la'oi .SHODAN. po la'o gy. *System Shock* .gy. le ka jorne lo jimsko kei je le ka selnunfirska fi lo nutli

### **9.1.2 le tcika**

ni'o ji'i za'a le pavrelmasti cu vasru pe'a lo su'o pa pixra

### **9.1.3 le citri**

#### **le tsautu**

ni'o lo pamuki'oki'o nanca cu se puvza le nu la .varik. gubni le tsautu poi pixra le nu la'oi .VUNC. simlu la'oi .SHODAN. po la'o gy. *System Shock* .gy. le ke jorne lo jimsko

#### **le pamoi se troci se galfi**

ni'o la .varik. tolsti le nu galfi le tsautu lo jetnu pe'a pixra .i ku'i le nu la .varik. zbasu lo nurfu'i cu se purci snuti vimcu le datni be le cukmakyvelvei po le ralju skami po la .varik. .i ja'e le pamoi versio be le pixra cu lakne cimni bo farcri pe'a

#### **le remoi se troci se galfi**

ni'o li papa pi'e vo pi'e renorepa cu detri le nu la .varik. tolsti le nu galfi le tsautu lo jetnu pe'a pixra je cu jmina lo tsautu poi nasevasru loi sirsunla lo samrxra be fi la'o gy. Scalable Vector Graphics .gy .i snada le nu mulno le pruce

#### **le nu troci le nu jmina lo tcila**

ni'o li ji'i re pi'e xa pi'e renorepa cu detri le nu la .varik. galfi le samrxra be fi la'o gy. Scalable Vector Graphics .gy. lo samrxra be fi la'oi .XCF. je cu tolsti le nu jmina lo tcila .i le nu jmina lo tcila cu lidne le nu jmina lo jimsko kei ki'uzo'e

ni'o lo jetnu pe'a nabmi ku sotmei .i ku'i la .varik. nanelci le jalge be le nu jmina le tcila kei je cu zasysti le nu zbasu le pixra

#### **le nu se snada jmina bo tcila**

ni'o li reze pi'e papa pi'e renorepa cu detki le nu la .varik. to'ezasysti le nu zbasu le pixra je cu ku'i ninke'u jivbi'o le du'u la'oi .GIMP. cumki kalci...pe'a

### **le nu mulgau le pixra**

ni'o li pa pi'e pare pi'e renorepa cu detni le nu la .varik. xusra le du'u le pixra cu selmulgau

#### **9.1.4 le nu le le pixra cu te gumgau**

ni'o ko'a goi la'oi .SHODAN. po la'o gy. *System Shock* .gy. velfi'i le pagbu be le pixra ku poi se finti fo ko'a .i ku'i la .varik. napilno lo pa versiio be ko'a ca le nu la .varik. zbasu le pixra .i lo menli gumgau be ko'a po la'o gy. *System Shock* .gy. je ko'a po la'o gy. *System Shock 2* .gy. cu velfi'i le pixra ku'o fo la .varik.

#### **9.1.5 lo nu nitpiki**

ni'o lo nu nitpiki cu za'o se nelci

#### **9.1.6 le plijaspu**

ni'o le pixra cu selxrapra je cu selplijaspu la'o gy. CC BY-NC 4.0 .gy .i le mulno tcidu po ti poi selplijaspu cu xabju pe'a la'o gy. <https://creativecommons.org/licenses/by-nc/4.0/legalcode> .gy

#### **9.1.7 le pilno**

ni'o pilno la'oi .GIMP. le nu majgau le pixra .i la'oi .GIMP. xlatce .i ku'i zmanei la'oi .GIMP. la'o gy. Krita .gy

ni'o ciska dei fo la'o gy. ed(1) .gy

ni'o la'oi .GIMP. je la'o gy. ed(1) .gy. bajra pe'a la'o gy. OpenBSD .gy

## **9.2 le kanla se cortu**

ni'o so'u da poi prenu zo'u da xusra le du'u le nu da catlu la'o .ITHINKWEREGOINGCRAZY. kei cu se jalge le nu da cortu kei kei goi ko'a .i la .varik. jijyji'i le du'u lo prenu poi xusra ko'a cu du'eski ko'a ja cu bilma lo kanla se cortu kei ki'u le nu la .varik. na zatfa'i lo satci krasit be le kanla se cortu

## **9.3 le se frati**

ni'o le nu la'oi .ITHINKWEREGOINGCRAZY. nasopnelsei...cu cumki se krinu le nu zo'e poi velfi'i la'oi .ITHINKWEREGOINGCRAZY. rirci

### **9.3.1 le velski be le se frati**

ni'o su'o da poi pixra fi la .varik. zo'u li ni'e ni lo prenu cu nelci la'oi .ITHINKWEREGOINGCRAZY. cu dubme'a li ni'e ni lo prenu cu nelci da

### 9.3.2 le cumki rinka be le nu na selnei

ni'o la .varik. jinvi le du'u le nu na nelci la'oi .ITHINKWEREGOINGCRAZY.  
cu cumki se krinu le nu zo'e poi velfi'i la'oi .ITHINKWEREGOINGCRAZY.  
rirci

**se lojysra 1.** *ni'o se lakne le du'u lo so'u prenu cu nelci la'oi .ITHINKWEREGOINGCRAZY.*

*lojysra.* ni'o ro da zo'u ro de poi pixra zo'u ro di poi prenu zo'u le du'u de  
velsitsku da cu nibyti'i le du'u di mulsmujmi de na ja cu se slabu de

ni'o ro da poi pixra zo'u le du'u lo so'u prenu ku mulsmujmi da cu nibyti'i le  
du'u se lakne le du'u lo so'u prenu ku nelci da<sup>1</sup>

ni'o so'u prenu cu slabu la'o gy. *System Shock* .gy<sup>2</sup>

ni'o la'oi .ITHINKWEREGOINGCRAZY. velsitsku la'o gy. *System Shock* .gy

ni'o ja'e lakne fa le du'u lo so'u prenu cu nelci la'oi .ITHINKWEREGOINGCRAZY.

□

---

<sup>1</sup>ni'o le tcidu cu se darsygau milxe bo senpi le pixra

<sup>2</sup>ni'o cumki fa lo nu zo so'u dukse le ka ruble

# Chapter 10

## la'oi .JUDASTRAINWRECK.



Figure 10.1: la'oi gy. JUDASTRAINWRECK .gy.

## **10.1 le pamoi velski be le pixra**

ni'o la .varik. jinvi le du'u le firxa'e cu melbi

### **10.1.1 le torveki**

ni'o su'o da poi papri bo pixra tsautu zo'u da binxo le vektori pixra poi binxo le pixra

ni'o le tcidu tanxe pe'a cu vasru lo tolce bo galfi notci poi pu selterbe'i la .varik.

ni'o le pixra cu selxrapra je cu selplijaspu la'o gy. CC BY-NC 4.0 .gy

ni'o doi la'oi .lamer. ko pilno la'o gy. OpenBSD .gy

### **10.1.2 le pruce poi gasnu le nu le tsautu ku binxo le mulno pixra**

ni'o la .varik. majgau le pamoi tsautu ki'u le nu la .varik. djica le nu la .varik. terxra lo nasteci

.i la .varik. gasnu le nu le pamoi tsautu cu binxo le vektori pixra ki'u le nu la .varik. djica le nu la .varik. terxra lo trina

.i le nu la .varik. terxra le cabna pixra cu milxe se krinu le nu la .varik. djica le nu la .varik. ckasu lo prenu poi cusku lo bebna preti. ja cu bebna pensi

### **10.1.3 le tcidu tanxe pe'a**

ni'o le tcidu tanxe pe'a vasru lo tolce bo galfi notci poi pu selterbe'i la .varik.

.i le nu la .varik. fuktra la'o gy. SIDESHOW BOB .gy. le nu cmoni cu se balvi le nu la .varik. jdice le du'u le nu la .varik. ckasu le prenu je cu curmi le nu le prenu ku cmecau cu filri'a le nu cmila

### **10.1.4 le plijaspu**

ni'o le pixra cu selxrapra je cu selplijaspu la'o gy. CC BY-NC 4.0 .gy .i le mulno tcidu po ti poi selplijaspu cu xabju pe'a la'o gy. <https://creativecommons.org/licenses/by-nc/4.0/legalcode> .gy

### **10.1.5 le pilno**

ni'o pilno la'oi .GIMP. le nu majgau le pixra .i la'oi .GIMP. xlatce .i ku'i zmanei la'oi .GIMP. la'o gy. Krita .gy

ni'o ciska dei fo la'o gy. ed(1) .gy

ni'o la'oi .GIMP. je la'o gy. ed(1) .gy. bajra pe'a la'o gy. OpenBSD .gy

## **10.2 le selji'i be fi la'oi .JUDASTRAINWRECK.**

ni'o so'u lo prenu cu gubni nitpiki la'oi .JUDASTRAINWRECK...je cu gubni zausku la'oi .JUDASTRAINWRECK.

### **10.2.1 su'o lo selji'i be fi la'o gy. JUDASTRAINWRECK .gy.**

ni'o selji'i fi la'oi .JUDASTRAINWRECK. goi ko'a fa

- le du'u ko'a .indika ko'e goi le du'u le selxra be ko'a ku goi ko'e cu mapra keitci kei ku ri'a le nu ko'a .indika le du'u le kerfa be ko'e cu dukse kei kei kei noi te tolta'i fi la .varik. ku'o je
- le du'u ko'a pixra le .ambigu kei noi te mltiu'i fi la .varik. ku'o je
- le du'u ko'a citmle kei noi no'e te tugni fi la .varik. ku'o vu'o po'o nai

## **10.3 le ctino**

ni'o la .varik. jinvi le du'u cumki fa le nu ko'a goi la'oi .JUDASTRAINWRECK. dukse le ka vasru le ctino kei kei je le du'u ko'a dukse le ka manku

## **10.4 le xance**

ni'o la'oi .JUDASTRAINWRECK. .indika le du'u le xance degji be fi la'oi .VUNC. ku goi ko'a tordu .i ku'i ko'a na tordu .i la'oi .JUDASTRAINWRECK. xlali pixra le xance be la'oi .VUNC. .i la'e di'u zdile la .varik.

## **10.5 le da'a versiio be le pixra**

### **10.5.1 la'o gy. JUDASTRAINWRECK-NOHANDLEBARS .gy.**

ni'o la'o gy. JUDASTRAINWRECK-NOHANDLEBARS .gy. cu versiio la'oi .JUDASTRAINWRECK. je cu na pixra le birka be la'oi .VUNC.



Figure 10.2: gubgau le versiio be la'oi .JUDASTRAINWRECK. ku poi na  
pixra le birkal be la'oi .VUNC.

# Chapter 11

## la'oi .THROWTHOSEPICTURESDOWNTHELANE.

### 11.1 le pixra

### 11.2 le pamoi velski

#### 11.2.1 le torveki

ni'o la .varik. rinka le nu fanmo le nu la .varik. zasysti le nu la .varik. terxra kei kei kei je cu gubyternoi .ui le cnino pixra

ni'o pixra le nu la'oi .VUNC. renro le me'oi .discus. poi cizra je cu xunre je cu kinli je cu te ciska fe le me'oi .lambda. poi to'alfu

ni'o la .varik. terxra fi le pixra ki'u le nu la .varik. djica le nu la .varik. salci le nu la .varik. tolri'ugau le se zbasu be la .varik...je cu tervenynoi la'oi .Matel.

ni'o le nu jmina lo srasu le pixra

ni'o la'o gy. public domain .gy. vasru le pixra...je ro le pixra be fi la .varik.

ni'o ranji fa le nu la .varik. tervencpe lo nu nitpiki

ni'o la .varik. pilno la'oi .GIMP. je la'oi .OpenBSD. je .oiru'e .u'i le me'oi .trackpad.

#### 11.2.2 le fanmo be le nu zasysti

ni'o le nu la .varik. bilma je cu fliba le nu li renorerepi'enore detri le nu la .varik. terxra cu selbalvi le nu la .varik. gubyternoi le cnino pixra .i ti poi cnino pixra cu se cmene zo'oi THROWTHOSEPICTURESDOWNTHELANE



Figure 11.1: ni'o ti poi me'oi .caption. cu na vasru lo se xamsku

### 11.2.3 le velski be le pixra

ni'o la'oi .THROWTHOSEPICTURESDOWNTHELANE. pixra le nu la'oi .VUNC. renro le me'oi .discus. poi ca'a sinxa la'oi .Matel. noi samru'e je cu se zbasu la .varik. .i lo prenu poi ke'a goi ko'a zo'u cumki fa le nu la'oi .Matel. cinri ko'a kei ku ku goi ko'a milxe gleki le nu ko'a djuno le du'u la'oi <https://github.com/varikvaledor/matel> zdani pe'a le samselpla po la'oi .Matel.

### 11.2.4 le mukti

ni'o la .varik. terxra fi la'oi .THROWTHOSEPICTURESDOWNTHELANE. ki'u le nu la .varik. djica le nu la .varik. salci le nu la .varik. renro pe'a la'oi .Matel. la'o gy. public domain .gy...kei kei je zo'e

### **11.2.5 le srasu**

ni'o le pixra cu pixra le srana je zo'e .i rirci fa le nu la .varik. terxra fi lo srana ni'o la .varik. pu zu jmina le srasu le pixra

ni'o la .varik. troci le nu la .varik. jmina le srasu le pixra kei le nu la .varik. pilno le te galfi fi la .varik. fe le tadji be le nu la .varik. pixra loi sirsunla kei ku ku le nu terxra le srasu le pixra .i la .varik. na mutce le ka jinvi fi le jalge be le nu la .varik. pilno le te galfi...kei kei ku'i je cu jinvi le du'u lakne fa le nu le jalge cu tcemlixau

### **11.2.6 la'o gy. public domain .gy.**

ni'o la'oi .THROWTHOSEPICTURESDOWNTHELANE. vasru la'o gy. public domain .gy. je cu se plijap la'oi .Unlicense. noi se skicu la'o gy. <https://unlicense.org> .gy

.i la .varik. radji'i le du'u li ni'e ni la'oi .Unlicense. mapti lo samru'e kei cu zmadu li ni'e ni la'oi .Unlicense. mapti lo pixra .i ku'i la .varik. pilno la'oi .Unlicense. ki'u le nu la .varik. nelci le nu la'oi .Unlicense. tordu kei je cu to'e nelci le nu la'oi .CC0. je zo'e cu clani

.i ji'a ro le pixra poi pu se gubyternoi la .varik. cu pu binxo lo se plijap be la'oi .Unlicense.

.i ji'a ji'a so'e lo se zbasu be la .varik. cu se renro pe'a fi la'o gy. public domain .gy

### **11.2.7 lo nu nitpiki**

ni'o la .varik. tervencpe lo nu nitpiki le pixra kei ku poi ke'a goi ko'a zo'u cumki fa le nu la .varik. pilno ko'a

.i si'a la .varik. na djica lo nu tcila claxu to'e nitpiki

.i lo'i mupli poi ke'a goi ko'a zo'u cumki fa le nu la .varik. pilno ko'a cu se vasru lu mi to'e nelci ti li'u noi selfilsmu lu mi to'e nelci le se pixra li'u je lu mi to'e nelci le pixra li'u

### **11.2.8 le pilno**

ni'o .uecu'i la .varik. pilno la'oi .GIMP. je la'oi .OpenBSD. je .u'i ko'a goi me'oi .trackpad. poi mutce milxe le ka mabla ku'o le nu la .varik. terxra fi la'oi .THROWTHOSEPICTURESDOWNTHELANE. .i le nu pilno ko'a le nu terxra cu fi te prali le nu lebna lo xamgu sevzi cusku noi se cinri no lo prenu

## **11.3 le nu cfifa'i poi se zbasu la .varik.**

ni'o se cfifa'i la .varik. la'oi .THROWTHOSEPICTURESDOWNTHELANE.  
fa...

- le du'u la .varik. jinvi le du'u le srasu poi se pixra ko'a cu smimlu loi  
sirsunla kei kei je
- le du'u ko'a pixra le nu le kanla be la'oi .VUNC. cu claxu lo tcila

### **11.3.1 le ka le srasu poi se pixra cu smimlu loi sirsunla**

ni'o la .varik. jinvi le du'u le srasu poi se pixra la'oi .THROWTHOSEPICTURESDOWNTHELANE. goi ko'a cu smimlu loi sirsunla kei je le du'u lakne  
le nu le ka smimlu loi sirsunla cu se rinka le nu le pu'u la .varik. terxra le srasu  
cu smimlu le pu'u la .varik. terxra loi sirsunla .i ku'i la .varik. cpedu lo se jinvi  
be lo prenu poi na me la .varik. bei fi le srasu poi se pixra ko'a

### **11.3.2 le du'u ko'a pixra le nu le kanla be la'oi .VUNC. cu claxu lo tcila**

ni'o la'oi .THROWTHOSEPICTURESDOWNTHELANE. goi ko'a vasru pare  
ki'o ki'o le vidnysle<sup>1</sup>...je cu ku'i claxu lo tcila be ro le kanla be la'oi .VUNC.  
ku goi ko'e .i sa'unai ko'a pixra le nu ko'e claxu lo selvi'a blutu'u je le me'oi  
.striation. pe le kalca'osrumu'a .i la .varik. jinvi le du'u le nu ckaji le ka mo'isti  
cu te dapma

## **11.4 le nu cfifa'i poi na se zbasu la .varik.**

ni'o le su'o prenu cu cfifa'i zo'e la'oi .THROWTHOSEPICTURESDOWNTHELANE. .i la'e di'u pluka la .varik. .i le torveki be le su'o nu cfifa'i cu se  
mupli

- lu le birkal be la'oi .VUNC. cu dukse le ka clanli li'u je
- lu le loldi cu dukse le ka xekri li'u je
- lu le srasu poi darno le kacma pe'a cu dukse le ka se gusni li'u je
- lu le tuple be la'oi .VUNC. cu dukse le ka tordu li'u je
- lu le dizlo zunle kinli be le nercreka pe'a po la'oi .VUNC. cu dukse le ka  
galtu li'u je
- lu le zunle tuple be la'oi .VUNC. cu dukse le ka se viska li'u je
- lu le selxra xarpre cu smimlu lo sampre li'u

---

<sup>1</sup>.i je'au le pixra cu vasru le remu ki'o ki'o vidnysle .i ku'i vasru le toldra ki'u le nu nurbe'i

#### **11.4.1 lu le birka be la'oi .VUNC. cu dukse le ka clani li'u**

ni'o le su'o prenu cu xusra le du'u le birka be le versio be la'oi .VUNC. ku poi se pixra la'oi .THROWTHOSEPICTURES DOWNTHELANE. cu dukse le ka clani kei goi ko'a .i la .varik. milxe tugni fi ko'a...je cu ku'i jinvi le du'u lakne fa le nu le ka le birka cu clani ku ju'anai jalge le .asna be la'oi .VUNC. ku poi se pixra la'oi .THROWTHOSEPICTURES DOWNTHELANE....kei kei je cu ku'i je'a radji'i le du'u cumki fa le nu le birka be la'oi .VUNC. cu dukse le ka clani

#### **11.4.2 lu le loldi cu dukse le ka xekri li'u**

ni'o le su'o prenu cu xusra ko'a goi le du'u le xekri je blabi poi ke'a goi ko'e zo'u la'oi .THROWTHOSEPICTURES DOWNTHELANE. pixra le nu la'oi .VUNC. sanli ko'e cu dukse le ka xekri .i la .varik. to'e tugni ko'a ki'u le nu la .varik. se tolsnuti le nu le se sanli be la'oi .VUNC. cu tcetcetcexekri

#### **11.4.3 lu le srasu poi darno le kacma pe'a cu dukse le ka se gusni li'u**

ni'o le su'o prenu cu xusra ko'a goi le du'u le srasu poi darno le kacma pe'a cu dukse le ka se gusni kei je ko'e goi le du'u xamgu fa le nu de'i le srasu cu tolbusib'i'o .i la .varik. milxe tugni fi ko'a je ko'e

#### **11.4.4 lu le tuple be la'oi .VUNC. cu dukse le ka tordu li'u**

ni'o le su'o prenu cu xusra ko'a goi le du'u le tuple be la'oi .VUNC. ku poi se pixra la'oi .THROWTHOSEPICTURES DOWNTHELANE. cu dukse le ka tordu .i la .varik. toltagi ko'a ca le nu la .varik. ciska dei kei ki'u le nu la .varik. jinvi le du'u xamgu fa le parbi be le ni le tuple be la'oi .VUNC. cu clani bei le ni le torso be la'oi .VUNC. cu clani

#### **11.4.5 lu le dizlo zunle kinli be le nercreka pe'a po la'oi .VUNC. cu dukse le ka galtu li'u**

ni'o le su'o prenu cu xusra ko'a goi le du'u le dizlo zunle kinli be le nercreka pe'a po la'oi .VUNC. ku ku goi fo'a cu dukse le ka galtu kei je ko'e goi le du'u cadga fa le nu ciska pe'a fo'a le zunle zaglamtu'e be la'oi .VUNC. .i la .varik. tugni ko'a je ko'e

#### **11.4.6 lu le zunle tuple be la'oi .VUNC. cu dukse le ka se viska li'u**

ni'o le su'o prenu cu xusra ko'a goi le du'u la'oi .THROWTHOSEPICTURES DOWNTHELANE. pixra le nu le zunle tuple be la'oi .VUNC. cu dukse le ka se

viska kei kei kei je ko'e goi le du'u cadga fa le nu la'oi .THROWTHOSEPICTURES DOWNTHELANE. pixra le nu le zunle tuple be la'oi .VUNC. cu trixe le prity tuple be la'oi .VUNC. .i la .varik. tugni ko'a je ko'e

#### **11.4.7 lu le selxra xarpre cu smimlu lo sampre li'u**

ni'o le su'o prenu cu xusra ko'a goi le du'u la'oi .THROWTHOSEPICTURES DOWNTHELANE. pixra le nu la'oi .VUNC. se .asna le dukse bo tinsa je sampre pe'a .i la .varik. milxe tugni ko'a...je cu ku'i xusra le du'u le nu la'oi .VUNC. se .asna le dukse bo tinsa je sampre cu kakne le nu se xamsku je cu sрана le nu lo su'o prenu cu xamsku le du'u la .varik. cu sampre